

جریدہ علمیہ

مشیت جلیلمہ اسلامیہ نمک جریدہ رسمیه پیدر

ربیع الاول ۱۳۳۵

عدد: ۲۹

آیدہ بر نشر اولنور

اوپنچی سنہ

حسب الوراثه دعواده وراثتك صورت اثباته دائر [*]

مال عريضه به نظراً متوفانك مديون حقيقيدنسك يامودعنك ويا ورثه دن ديكرينك
مواجهه ياغيابلرنده وراثتك اثباتي مقتضى ايدوكي .



قوانين و نكاحات

سياحت ورقه لوی حقنده کی تعلیماتنامہ بی متضمن ارادہ سنیہ

[تقوم وقایع ایله نشری تاریخی : ۲۷ صفر ۱۳۳۵ و ۱۱ کانون اول ۱۳۳۲ نوصوسی : ۲۷۴۳]

سیاحت ورقه سنه دائر ۲۹ ربیع الآخر ۱۳۳۳ تاریخی قانون موقت احکامیله
۲۸ ربیع الآخر ۱۳۳۳ تاریخی پساپورط قانون موقتک بشنچی ماده سنه توفیقاً متخذ
مقرراتی متضمن ۲ جمادی الاولی ۱۳۳۳ تاریخی تعلیماتنامہ نك ورقه مذکورہ به متعلق

[*] بوبابده الاشهر قضای قاضیلکنك ۳ صفر ۱۳۳۵ تاریخی و ۶۵ نوصولی
تحریراتی صورتیدر :

حاکم نظامیہ ده ترکات لهنه رؤیت ایدلکده اولان دعوالرده مدعینك وراثت اعلامی کتیرمسنه
قرار ویریلهرک خصوص مذکور ایچون اول امرده مدعی محکمۀ شرعیه به سوق ایدلکده ایسه ده
دعوی مذکورہ نك محکمۀ نظامیہ به عائدیتندن طولانی خصم حقیقی بی محکمۀ شرعیه به کتیرمک قابل
اوله میوب خصم جعلی مواجهه سننده اثبات وراثت دخی منع ایدلش بولندیفتندن استحصال معاش
ایچون محله علم و خبری وایکی کیمسه نك اخبارثریله وراثت حقنده ترتیب ایدلکده اولان مقتضی اعلامی
کافی و بوبابده وراثتی منکر بولنان خصم حقیقی بی ملزم هیچ خطیه دن اولوب اولیه جفنده تردد حاصل
اولفله عرض واستیذان اولنور اولیاده . .

موادی مقامنه قائم اولوق اوزره اتخاذا اولتان مقرراتی حاوی مربوط تعلیماتنامه نك حال حربك مدت دوامنجه تطبیق شورای دولت و مجلس وكلا قرارلریله تنسیب اولمشدر .
بواراده سنیه نك اجراسنه حربیه وداخلیه ناظرلری مأمورددر .

۲۰ صفر ۱۳۳۵ ۲ کانون اول ۱۳۳۲

محمد رشید

داخلیه ناظرلی و حربیه و مالیه ناظرلری وکیل طلعت	شیخ الاسلام موسی کاظم	صدر اعظم محمد سعید
شورای دولت رئیس و اوقاف هایون ناظر وکیل ابراهیم	بحریه ناظرلی احمد جمال	خارجیه ناظرلی و عدلیه ناظر وکیل خلیل
تجارت و زراعت ناظرلی احمد نسیمی	معارف ناظرلی و پوسته و تلفراف و تلفون ناظر وکیل احمد شکری	نافعه ناظرلی عباس

تعلیماتنامه

ماده : ۱ سیاحت ورقه لرینه دائره ۲۹ ربیع الاخر ۱۳۳۳ ۳ مارت ۱۳۳۱ تاریخی
قانون موجبجه ممالك عثمانیه داخلنده سیاحت ایده جك تبعه عثمانیه واجنیه مربوط
نمونه موافق برر سیاحت ورقه سی آلفه مجبورددرلر .

ماده : ۲ برولايت ویا غیر ملحق لوا داخلنده وولایات والویه سائرته بکمامك
شرطیله حجاز و یمن ولایتلری و مدینه محافظلنی و زور و اورفه و عسیر سنجاقلری آره سنده
یوجلیق ایچون سیاحت ورقه سی لازم دکلدر .

ماده : ۳ سیاحت ورقه سی مجازاً ویریلر .

ماده : ۴ حکومتجه اسباب عسکریه و سیاسیه دن طولای سیاحتلرینك منی
ایجاب ایدنلره سیاحت ورقه سی ویرلز .

ماده : ۵ سیاحت ورقه‌لری یولجیلرک محل حرکتلرنده کی ال بیوک پولیس مأموری و پولیس مأموری بولنمیان محللرده یامنسوب اولدینی ناحیه‌نک مدیری و یامنسوب اولدینی قضانک قائمقامی طرفندن وریلیر .

ماده : ۶ سیاحت ورقه‌لری یالکز کیتک ایچون ویرلیدیکی کیدوب کلک ایچونده اعطا اولنه بیلیر . کیدوب کلک ایچون ویریلن ورقه‌لر انجق برآی ایچون معتبردر . زیرینه تنظیم ایدن مأمور طرفندن «برآی ظرفنده عودت ایچونده معتبردر» قیدی علاوه و مهر رسمی ایله امضا وضع ایدیلیر .

ماده : ۷ سیاحت ایدمک شخصک رفاقنده اقربا و تعلقاتی و خدمتچیلری بولندینی حالده بونلر ایچون آیریجه سیاحت ورقه‌سی اعطاسنه حاجت اولمایوب اوشخصه عاڈ ورقه‌نک خانه مخصوصنه اسملرینک درجیله اکتفا اولنور .

ماده : ۸ سیاحت ورقه‌سی حامل اولانلر منتهای سیاحت اوله‌رق کوسترمش اولدقلری محله مواصتلرنده اشبو ورقه‌یی اومحک ال بیوک پولیس مأمورینه و پولیس مأموری بولنمیان محللرده یا اومحک منسوب اولدینی قضا قائمقامنه یا منسوب اولدینی ناحیه مدیرینه اعطا ایدرلر . سیاحت ورقه‌لری عودت ایچونده معتبر اولان نوعدن بولندینی تقدیرده کورلیدیکی اشارت ایدلدکن صکره صاحبنه اعاده اولنور .

ماده : ۹ ممالک عثمانیه اوزون کوپریدن کیرنلر استانبوله اورله‌دن کیرنلر ازمیره سیاحت ورقه‌سی المفسزین یالکز پساپورطلریله کیده بیلیرلر . اشبو محللردن کیرنلرک استانبول و ازمیردن بشقه محللره و دیگر اسکله و قولردن کیرنلرک اقسام سائر مملکته کیده بیلملری ایچون سیاحت ورقه‌سی الملری مقتضیدر .

ماده : ۱۰ مأمورین متعلقه‌سی طرفندن طلب وقوعنده سیاحت ورقه‌لرینک ابرازی مجبوریدر .

نمونه

اشکالی						تابعیتی	سنی	پدرینک اسمی	اسم و شهرتی
علامت فارقه	۱۹	۲۰	۲۱	۲۲	۲۳				
								محل ولادت	
								محل اقامتی	
								صنعت و یا مسلکی	
								نرہ یہ کیدہ جکی	
								نہ ایچون کیدہ جکی	
								هانکی یولدن کیدہ جکی	
								افراد عائلہ سندن یانندہ بولنارلرک اسملری	
بالادہ اسم و شهرتی وطریق سیاحتی محرر اولان اقدینک سیاحتندہ بر محذور کوریلہ مدیکنی مین اشبو سیاحت ورقہ سی مومی الیہ مجاناً اعطا قلندی ۱									

(۳۹,۰۸۱,۴۰۰ لیرالق اوراق نقدیه اخراجہ متداثر ۲۵ تموز ۱۳۳۲ تاریخی قانون)
(موقتہ بونک الفاسی حقندہ کی ۶ اگستوس ۱۳۳۲ تاریخی قانون موقتک ردی حقندہ)
(مجلس مبعوثان قرارنامہ سی)

[تقوم وقایعہ نشری تاریخی: ۴ ربیع الاول ۱۳۳۵ و ۱۶ کانون اول ۱۳۳۲ - نوسروسی: ۲۷۴۸]

آلمانیا دولتک یکرمی طقوز میلیون سکسان بر بیک درت یوز لیرالق خزینہ تحویلی
دیون عمومیہ عثمانیہ اداره سنہ بالتودیع مقابلندہ اومقدار اوراق نقدیه اخراجہ واحکام
سائرہ دائر حکومتجہ نشر اولنان ۲۵ تموز ۱۳۳۲ تاریخی قرارنامہ ایله بوقرارنامہ نک
الفاسی حقندہ کی ۶ اگستوس ۱۳۳۲ تاریخی قرارنامہ نک کسب قانونیت ایتمسنہ احتیاج
قالما دیقندن مجلس مبعوثان ۱۰ کانون اول ۱۳۳۲ تاریخی جلسہ سندہ ہر ایک قرارنامہ نک ردینہ
قرار ویرمشد .

کاتب	کاتب	مجلس مبعوثان رئیس
مدوح	حیدر	فادل

*
* *

(روم ایلی مہاجرلرینک تنظیم ویا تصدیق ایتدیرہ جککری اوراقک تمقا رسمندن ماعدا)
(خرج ورسومدن و حجاز تیمور یولی اعانہ سندن موقتاً استثناسنہ متداثر ۲۸ صفر ۱۳۳۴)
(تاریخی قانونک ۲ نجی مادہ سنی معدل قانون)

[تقوم وقایعہ نشری تاریخی: ۸ ربیع الاول ۱۳۳۵ و ۲۰ کانون اول ۱۳۳۲ - نوسروسی: ۲۷۵۲]

مادہ : ۱ روم ایلی مہاجرلرینک تنظیم ویا تصدیق ایتدیرہ جککری اوراقک
تمقا رسمندن ماعدا خرج ورسومدن و حجاز تیمور یولی اعانہ سندن موقتاً استثناسی حقندہ کی
۲۳ کانون اول ۱۳۳۱ تاریخی قانونک ایکنجی مادہ سی بروجه آتی تعدیل اولنمشد :
« بوقانونک حکمی بیک اوچیوز اوتوز اوچ سنہ سی نہایتہ قدر مرعی اولوب سنہ
مذکورہ نک ختامندن صکرہ خرج خصوصندہ کافی السابق معاملہ اولنہ جقدر . »
مادہ : ۲ بوقانون تاریخ نشرندن اعتباراً مرعی الاجراد .

ماده : ۳ بو قانونك اجراسنه شنيخ الاسلام ايله خارجيه و عدليه و ماليه ناظرلری مأموردر .

مجلس اعيان و مبعوثانجه قبول اولنان اشبولايجهك قانونيتى و قوانين دولته علاوه سنى اراده ايلدم .

۳ ربيع الاول ۱۳۳۵ ۱۵ كانون اول ۱۳۳۲

ش و

مالیه ناظر و کیلی	خارجیه ناظر و کیلی	شیخ الاسلام	صدر اعظم
طلعت	خلیل	موسی کاظم	محمد سعید

*
* *

(آلمانیا دن ۳۸,۷۸۱,۴۰۰ لیرالق بر آوانس عقدیله ۳۵,۹۸۱,۴۰۰ لیرالق اوراق)
(تقدیه اخراجنه مآذونیتی متضمن قانون)

[تقویم وقایع ایله نشری تاریخی : ۱۳ ربيع الاول ۱۳۳۵ و ۲۵ كانون اول ۱۳۳۲]
[نومروسى : ۲۷۵۶]

مجلس اعیان قرارنامه سی

آلمانیا حکومتدن یکریمی بش میلیون لیرالق بر آوانس عقدیله بونک یکریمی درت میلیون درت یوز یتیش طقوز بیک لیراسنک آلمانیا دولتندن آلتون ایله واجب التادیه خزینه تحویلاتی اوله رق اخذ و دیون عمومیۀ عثمانیه اداره سنه بالتودیع مقابلنده او مقدار اوراق تقدیه اخراج و مذکور اوراق تقدیه دن بش میلیون لیرالغنک در سعادته آلمانیا حکومته اقراض اولنسنه دائر ۱۴ تموز ۱۳۳۲ و کذلک سالف الذکر موقت قرارده مذکور اولان یکریمی بش میلیون لیرالق خزینه تحویلاتی ده داخل اولدینی حالده آلمانیا دولتنگ آلتون ایله واجب التادیه اوتوز میلیون لیرالق خزینه تحویلی دیون عمومیۀ عثمانیه اداره سنه بالتودیع مقابلنده بومبلغه مساوی اوراق تقدیه اخراجنه مالیه نظارتنگ مآذونیتی متضمن و بوبابده بعض تفرغاتی محتوی ۶ اغستوس ۱۳۳۲ تاریخلریله مقدم احکومتجه تنظیم و موقتاً

موقع تطبیقه وضع اولتان ایکی قطعه قرارنامه نك مجلس مبعوثانجه توحیدی صورتیه یکیدن تنظیم وقبول ایدیه رك ۱۲ کانون اول ۱۳۳۲ تاریخ ودرت یوز طقسان سکز نومرولی تذکره ایله ارسال اولتان قانون لایحه سی مجلس اعیان مالیه انجمنك اولبایده کی مضبوطه سیله برلکده هیأت عمومیۂ اعیانده قرائت و مجلس مبعوثانك تکلیفی وجهله عیناً قبول ایدلش اولغله قانون اساسینك اوتوزنجی ماده سی موجبجه معامله لازمہ سی ایفا وعلی الاصول جریده رسمیہ ایله اعلان ایدلک ارزره قوه اجراییہ تودیع اولنور .

۷ ربیع الاول ۱۳۳۵ و ۱۹ کانون اول ۱۳۳۲

اعیادن کاتب	اعیادن کاتب	مجلس اعیان رئیس
فائق بك (*)	نوری	رفت

قانون

ماده : ۱ آلمانیا حکومتدن اوتوز سکز میلیون یدی یوز سکسان بر بیک درت یوز لیرالغه قدر بر آوانس عقدیتہ هیئت وکلا مأذوندر .

ماده : ۲ اشبو آوانسدن اوتوز بش میلیون طقوز یوز سکسان بر بیک درت یوز لیراسنی آلمانیا دولتدن آلتون ایله واجب التادیہ خزینہ تحویلاقی اوله رق اخذ و دیون عمومیۂ عثمانیہ اداره سنه بالتودیع مقابلنده بومبلغه قدر اوراق نقدیه اخراجنه مالیه ناظری مأذوندر .

ماده : ۳ ایکنجی ماده ده مذکورالمقدار اوراق نقدیه دن بش میلیون لیرالفی آلمانیا حکومتنه آوانس صورتیه درسعادته اعطایه مالیه ناظری مأذوندر .

ماده : ۴ اشبو قانونك ایکنجی ماده سی موجبجه موقع تداوله اخراج اولنه حق اوراق نقدیه نك بدللری صلحك عقدندن ایکی سنه صکره ابتدار ایدلک وهرسنه خمس اداولدن رفع اولتمق صورتیه بش سنه ظرفنده تأدیہ ایدیه جکدر .

ماده : ۵ اوراق نقدیه نك تأدیہ بدللری ایچون مبدأ تعیین اولتان تاریخدن اعتباراً اون سنه ظرفنده ابراز اولتیمانلری خزینہ لهنه ضرور زمانه اوغرایه جقدر .

(*) حین انضاده بولندی .

ماده : ۶ اوراق نقدیه نك مجبوری التداول اولدیقه دائر اولان ۱۸ تئمرین اول ۱۳۳۱ تاریخی قانونك ایکنجی ماده سی احکامی اشبو قانون موجبجه اخراج اولته جق اوراق نقدیه حقنده دخی جاریدر .

ماده : ۷ المانیا حکومتدن یکریمی بش میلیون لیرالق آوانس اخذی حقنده کی ۱۴ تموز ۱۳۳۲ تاریخی قرارنامه نك حکمی ملقادر .

ماده : ۸ اشبو قانون تاریخ نشردن اعتباراً صرعی الاجرادر .

ماده : ۹ اشبو قانونك اجرای احکامنه عدلیه و مالیه ناظرلری مأموردر .

[قوه اجرائیه جه ۲۰ شوال ۱۳۳۴ و ۶ اغستوس ۱۳۳۲ تاریخنده تنظیم وموقتاً موقع تطبیقه وضع اولنان اشبو لایحه قانونیه ۱۵ کانون اول ۱۳۳۲ تاریخنده مجلس صومیه عیناً قبول اولمشدر .]

مجلس اعیان ومبعوثانجه قبول اولنان اشبو لایحه نك قانونیتی وقوانین دولته علاوه سی

اراده ایلام . ۹ ربیع الاول ۱۳۳۵ ۲۱ کانون اول ۱۳۳۲

محمد رشاد

مالیه ناظر وکیل طلعت
عدلیه ناظر وکیل خلیل
صدر اعظم محمد سعید

*
* *

(مأمورین ملکیه نك معزولیت معاشرینه متداثر ۴ شعبان ۱۳۳۷ تاریخی قانون)

(احکام نك ۱۳۳۸ مارتندن اعتباراً مأمورین عامیه یه ده تطبیقی حقنده قانون)

[تقویم وقایعه نشری تاریخی : ۱۶ ربیع الاول ۱۳۳۵ و ۲۸ کانون اول ۱۳۳۲ - نوصوصی : ۲۷۵۹]

ماده : ۱ ۷ اغستوس ۱۳۳۵ تاریخی معزولین ملکیه قانونی مأمورین علمیه حققرنده ده تطبیق اولته جقدر .

ماده : ۲ مأمورین مومی الیهمدن بیک اوچ یوز یکریمی یدی سنه سی غایه سنه قدر بولندقلری مأموریت معاشرندن قطعی ایجاب ایدن معزولیت عائداتی بالحساب ذمت قید

ایدیله رڭ مأموریت ویا معزولیت معاشی اوزرندن شهری یوزده بش قطی صورتیله استیفا ایدیله جکدر .

ماده : ۳ اشبو قانون اوچ یوزیکرمی سکر سنه سی ابتداسندن اعتباراً صری الاجرادر .

ماده : ۴ اشبو قانونک اجرای احکامنه شیخ الاسلام و مالیه ناظری مأموردر .

[قوه اجرائیه جه ۲۱ صفر ۱۳۳۰ و ۲۸ کانون ثانی ۱۳۲۷ تاریخده تنظیم و موقتاً موقع تطبیقه وضع اولنان اشبو لایحه قانونیه ۱۵ کانون اول ۱۳۳۲ تاریخده مجلس عمومیه تعدیلاً قبول اولمشدر .]

مجلس اعیان و مبعوثانجه قبول اولنان اشبو لایحه نک قانونیتی و قوانین دولته علاوه سفی اراده ایلدم .

۱۰ ربیع الاول ۱۳۳۰ ۲۲ کانون اول ۱۳۳۲

محمد رشید

صدر اعظم
محمد سعید

شیخ الاسلام
موسی کاظم

مالیه ناظر و کیلی
طلعت

★ ★

(۲۵ ذی الحجه ۱۳۳۳ تاریخلی رسم تمغا قانوننک معاظیات فصلنه)

(مذیل فقرات حقنده قانون)

[تقویم وقایع ایله نشری تاریخی : ۲۳ ربیع الاول ۱۳۳۰ و ۴ کانون ثانی ۱۳۳۲ - نوسروسی : ۶۶ ۶۷]

ماده : ۱ ۲۵ ذی الحجه ۱۳۳۳ تاریخلی رسم تمغا قانوننک معاظیات فصلنه فقرات آتیله علاوه ایدلشددر :

« افرادک فقر حالدن طولای اعانه طلبنه و فقرای موقوفین و محبوسینک کندیلرینه متعلق حبسخانه لر نظاماتنک تطبیقه و محبوس و موقوف بولندقلری مواده دائر دوائر رسمیه ویره جکلری عر ضماللر تمغا رسمندن معفودر . »

ماده : ۲ اشبو قانونك اجراسنه عدليه وماليه ناظرلری مأموردر .
 مجلس اعیان ومبعوثانجه قبول اولنان اشبو لایحه نك قانونیتنی وقوانین دولته علاوه سفی
 اراده ایلدم . ۱۷ ربیع الاول ۱۳۳۵ ۲۹ کانون اول ۱۳۳۲

محمد رشید

صدراعظم
 محمد سعید

عدلیه ناظر وکیل
 خلیل

مالیه ناظر وکیل
 طلعت

★
 ★ ★

(داخلی تلغرافنامه لرك تزیل اجوراتی حقنده قانون)

[تقویم وقایع ایله نشری تاریخی : ۲۳ ربیع الاول ۱۳۳۵ و ۴ کانون نانی ۱۳۳۲-]
 [نوصروسی : ۲۷۶۶]

ماده : ۱ عین بلده حدودی داخلنده کی تلغراف مرکز لری آره سنده تعاطی ایدیلده جك
 تلغرافنامه لردن یکر می کله یه قدر یوز پاره ویکرمی کله دن فضله سی ایچون بهر اون کله ده
 الی پاره وبوننردن غیرى بالجمله تلغراف مراکز عثمانیه سی آره سنده منحصر آ حکومته
 عائد خطوطدن کچه جك تلغرافنامه لردن اون کله یه قدر مقطوعاً بش غروش اجرت
 استیفا اولنور . اون کله یی تجاوز ایدن تلغرافنامه لرك بهر کله سی ایچون یکر می پاره آنور .
 ماده : ۲ اشبو ماده قانونیه بیک اوچوزاوتوز سنه سی مارتندن اعتباراً مرعی الاجرا
 اولوب اجرای احکامنه مالیه ، پوسته وتلغراف وتلفون ناظرلری مأموردر .

[قوه اجرائیه جه ۲۱ ربیع الاول ۱۳۳۲ و ۴ شباط ۱۳۲۹ تاریخنده تنظیم وموقتاً
 موقع تطبیقه وضع اولنان اشبو لایحه قانونیه ۲۲ کانون اول ۱۳۳۲ تاریخنده مجلس عمومیه جه
 عیناً قبول ایدلشد .]

مجلس اعیان ومبعوثانجه قبول اولنان اشبو لایحه نك قانونیتنی وقوانین دولته علاوه سفی
 اراده ایلدم . ۱۷ ربیع الاول ۱۳۳۵ ۲۹ کانون اول ۱۳۳۲

محمد رشید

صدراعظم
 محمد سعید

مالیه ناظر وکیل
 طلعت

پوسته وتلغراف وتلفون ناظر وکیل
 احمد شکری